

道家部

淮南子卷

8

華東師範大學

「子藏」編纂中心編

總編纂 方勇

副總編纂 吳平

子藏

國家圖書館出版社

子藏

道家部

淮南子卷

8

華東師範大學

「子藏」編纂中心編

總編纂 方勇

副總編纂 吳平

國家圖書館出版社

圖書在版編目(CIP)數據

子藏·道家部·淮南子卷:全六十冊 / 方勇主編. — 北京:國家圖書館出版社, 2017. 12

ISBN 978 - 7 - 5013 - 6213 - 4

I. ①子… II. ①方… III. ①先秦哲學—研究 ②《淮南子》—研究
IV. ①B220.5 ②B234.4

中國版本圖書館 CIP 數據核字(2017)第 218770 號

書 名 子藏·道家部·淮南子卷(全六十冊)

著 者 方 勇 主編

責任編輯 張愛芳 黃 靜

封面設計 敬人書籍設計工作室
呂敬人 + 呂旻

出 版 國家圖書館出版社(100034 北京市西城區文津街 7 號)
(原書目文獻出版社 北京圖書館出版社)

發 行 010 - 66114536 66126153 66151313 66175620
66121706(傳真) 66126156(門市部)

E - mail nlcpres@nlc.cn(郵購)

Website www.nlcpres.com→投稿中心

經 銷 新華書店

印 裝 河北三河弘翰印務有限公司

版 次 2017 年 12 月第 1 版 2017 年 12 月第 1 次印刷

開 本 787 × 1092(毫米) 1/16

印 張 2243.5

書 號 ISBN 978 - 7 - 5013 - 6213 - 4

定 價 39000.00 圓

第八冊目錄

淮南鴻烈解二十八卷(卷十八至二十八)

(漢)許慎注 (漢)高誘注

明萬曆七年(1579)朱東光刊《中立四子集》本

一

淮南鴻烈解二十一卷(卷一至四)

(漢)高誘注 (清)江聲批校

明萬曆八年(1580)茅一桂刊本

四一五

淮南鴻烈解卷之十八

道應訓

道之所行物動而應考之禍福以知驗符也

太清問於無窮

太清元氣之清者也無窮無形也

曰子知道乎無窮曰

吾弗知也又問於無為

無為有形而不為也

曰子知道乎無為曰

吾知道

無為有形故知道也

子之知道亦有數乎無為曰吾知道

有數曰其數奈何無為曰吾知道之可以弱可以強可

以柔可以剛可以陰可以陽可以窈可以明可以包裹

天地可以應待無方此吾所以知道之數也太清又問

於無始

無始未始有之氣也

曰鄉者吾問道於無窮曰吾弗知之

又問於無為無為曰吾知道曰子之知道亦有數乎無

為曰吾知道有數曰其數柰何無為曰吾知道之可以
弱可以強可以柔可以剛可以陰可以陽可以窈可以
明可以包裹天地可以應待無方吾所以知道之數也
若是則無為知與無窮之弗知孰是孰非無始曰弗知
之深而知之淺弗知內而知之外弗知精而知之粗太
清仰而嘆曰然則不知乃知邪知乃不知邪孰知知之
為弗知弗知之為知邪無始曰道不可聞聞而非也道
不可見見而非也道不可言言而非也孰知形之不形
者乎故老子曰天下皆知善之為善斯不善也故知者
不言言者不知也白公問於孔子曰人可以微言

白公
楚平

王孫太子建勝也建見殺白公然而欲復讐故問微言也孔子不應知白公有陰謀故不應也白

公曰若以石投水中何如曰吳越之善沒者能取之矣

曰若以水投水何如孔子曰菑澠之水合易牙嘗而知

之菑澠齊之水也白公曰然則人固不可與微言乎孔子曰何

謂不可誰知言之謂者乎夫知言之謂者不以言言也

不以言心知之爭魚者濡逐獸者趨非樂之也故至言去言至

為無為夫淺知之所爭者末矣白公不得也故死於浴

室楚殺白公於浴室之地也故老子曰言有宗事有君夫唯無知是

以不吾知也白公之謂也惠子為惠王為國法惠王梁惠王惠

子惠施也已成而示諸先生先生皆善之奏之惠王惠王甚

說之以示翟煎曰善惠王曰善可行乎翟煎曰不可惠
王曰善而不可行何也翟煎對曰今夫舉大木者前呼
邪許後亦應之此舉重勸力之歌也豈無鄭衛激楚之
音哉然而不用者不若此其宜也治國有禮不在文辯
故老子曰法令滋彰盜賊多有此之謂也田駢以道術
說齊王田駢齊人齊王應之曰寡人所有齊國也道術難以
除患願聞國之政田駢對曰臣之言無政而可以為政
譬之若林木無材而可以為材願王察其所謂而自取
齊國之政焉已雖無除其患天地之間六合之內可陶
冶變化也齊國之政何足問哉此老聃之所謂無狀之

狀無物之象者也若王之所問者齊也田駢所稱者材

也材不及林林不及雨雨然後材乃得生也雨不及陰陽不

及和和不及道道者末之由白公勝得荊國不能以府

庫分人白公篡得楚國貪其材而七日石乙入曰白石公

之黨不義得之又不能布施患必至矣不能予人不若

焚之母令人害我白公弗聽也九日葉公入葉公楚大夫子高自

方城之外入乃發大府之貨以予眾出高庫之兵以賦

民因而攻之十有九日而擒白公葉公殺白公也夫國非其有

也而欲有之可謂貪貪也不能為人又無以自為可謂

至愚矣譬白公之番也何以異於梟之愛其子也梟子長食

其故老子曰持而盈之不如其已揣而銳之不可長保

也趙簡子以襄子為後董閼子曰無卹賤董閼子趙氏臣也無卹襄

子之名簡子之庶子也今以為後何也簡子曰是為人也能為社

稷忍羞襄子能柔異日知伯與襄子飲而批襄子之首

大夫請殺之襄子曰先君之立我也曰能為社稷忍羞

豈曰能刺人哉處十月知伯圍襄子於晉陽襄子䟽隊

而擊之疏分也隊軍二百人為一隊分斯隊卒擊之大敗知伯破其首以為

飲器故老子曰知其雄守其雌其為天下谿齧缺問道

於被衣齧缺被衣被衣曰正女形一女視天和將至攝

女知正女度神將來合德將來附若美而道將為女居

秦乎若新生之犢而無求其故言水不竭缺繼以譬夷

譬夷熟視不言被衣行歌而去曰形若槁骸心如死灰直實知

不以故自持墨墨恢恢無心可與謀彼何人哉故老子

曰明白四達能無以知乎趙襄子攻翟而勝之尤人終

人尤人終人翟之二邑使者來謁之襄子方將食而有饗左右曰

一朝而兩城下此人之所喜也今君有憂色何也襄子

曰江河之大也不過三日三日而咸飄風暴雨日中不須臾

言其不終日今趙氏之德行無所積今一朝兩城下亡其及

我乎孔子聞之曰趙氏其昌乎夫憂所以為昌喜所以

為亡勝非其難持之其難也賢王以此持勝故其福及

後世齊楚吳越皆嘗勝矣然而卒取亡焉不通乎持勝

也唯有道之主能持勝孔子勁杓國門之關杓引也古者縣門下

從上杓引而不肯以力聞墨子為守攻公輸般服而不

肯以兵知墨子雖善為兵而善持勝者以強為弱故老

子曰道冲而用之又弗盈也惠孟見宋康王喋足聲歎

疾言曰寡人所說者勇有功也不說為仁義者也客將

何以教寡人惠孟對曰臣有道於此人雖勇刺之不入

雖巧有力擊之不中大王獨無意邪宋王曰善此寡人

之所欲聞也惠孟曰夫刺之而不入擊之而不中此猶

也臣有道於此使人雖有勇弗敢刺雖有力不敢擊

夫不敢刺不敢擊非無其意也臣有道於此使人本無其意也夫無其意未有愛利之心也臣有道於此使天

下丈夫女子莫不歡然皆欲愛利之心此其賢於勇有

力也四累之上也

此上凡四事皆累於世而男女莫不歡然為上也

大王獨無

意邪宋王曰此寡人所欲得也惠孟對曰孔墨是已孔

丘墨翟無地而為君無官而為長

無地為君以道富也無官為長以德尊也

天下丈夫女子莫不延頸舉踵而願安利之者今大王

萬乘之主也誠有其志則四境之內皆得其利矣賢於

孔墨也遠矣宋王無以應惠孟出宋王謂左右曰辯矣

客之以說勝寡人也故老子曰勇於不敢則活田此觀

之大勇反為不勇耳昔堯之佐九人

謂禹皋陶稷契伯夷

舜之佐七人

皆與堯同臣其七人也

武王之佐五人

謂周公召公太公畢公榮

也堯舜武王於九七五者不能一事焉然而垂拱受成

功焉善乘人之資也故人與驥逐走則不勝驥託於車

上則驥不能勝人北方有獸其名曰鼯鼠前而免後鼠

足短免後足趨則頓走則顛常為蚩蚩駑驢取甘草以

與之

蚩蚩駑驢前足長後足短故能乘虛而走不能上也

鼯有患害蚩蚩駑驢必

負而走此以其能託其所不能故老子曰夫代大匠斲

者希不傷其手薄疑說衛嗣君以王術

嗣君衛國君也嗣君應

之曰子所有者千粟也願以受教薄疑對曰烏獲舉千

鈞又況一斤乎杜赫以安天下說周昭文君

昭文君周襄分為西

東各自立其君也

文君謂杜赫曰願學所以安周赫對曰臣之

所言不可則不能安周臣之所言可則周自安矣此所謂弗安而安者也故老子曰大制無割故致數與無與也魯國之法魯人為人妾於諸侯有能贖之者取金於府子贛贖魯人於諸侯來而辭不受金孔子曰賜失之矣夫聖人之舉事也可以移風易俗而受教順可施後世非獨以適身之行也今國之富者寡而貧者衆贖而受金則為不廉不受金則不復贖人自今以來魯人不復贖人於諸侯矣孔子亦可謂知禮矣故老子曰見小

曰明魏武侯問於李堯

李堯武侯之相

曰吳之所以亡者何也

李堯對曰數戰而數勝武侯曰數戰數勝國之福其獨

以亡何故也對曰數戰則民罷數勝則主憍以憍主使

罷民而國不亡者天下鮮矣

驕則怨怨則極極則怨怨則極極則怨

上下俱

極吳之亡猶晚矣夫差之所以自剄於干遂也

越伐吳夫差所

自殺

故老子曰功成名遂身退天之道也甯越欲干齊

桓公困窮無以自達於是為商旅將任車

任載也詩曰我任我輦

以商於齊暮宿於郭門之外桓公郊迎客夜開門辟任

車爇火甚盛

燭炸火也

從者甚衆甯越飯牛車下望見桓公

而悲擊牛角而疾商歌桓公聞之撫其僕之手曰異哉

歌者非常人也命後車載之桓公及至從者以請桓公
贛之衣冠而見說以為天下桓公大說將任之群臣爭
之曰客衛人也衛之去齊不遠君不若使人問之而故
賢者也用之未晚桓公曰不然問之患其有小惡也以
人之小惡而忘人之大美此人主之所以失天下之士
也凡聽必有驗一聽而弗復問合其所以也合已聽知之意所以
用且人固難合也權而用其長者而已矣當是舉也桓
公得之矣故老子曰天大地大道德大王亦大域中有四
大而王處其一焉以言其能包裹之大王曹父居邠
翟人攻之事之以皮帛珠玉而弗受曰翟人之所求者